

# Tössje Dòmmenik en Sjraage

## Tössje Gouwe Kauwf en Potsjtouf



De wànjeling van vanaovend zal in et teike sjtaon van ènnigge markante femiejes tössje Riekswaeg en Mèrt, die allenej op hun eige wies hun sjpaore verdeind höbbe in de detaljhanjel in Zittert tössje 1850 en 1950. In die honderd jaor is vööl verànderd in de wies van zaake doon, de inrichting van hun gesjèf en kiekoete, et reklaam maake via oethangbraejer of naame op hun gevels, en et gebroek maake van kèzette om hun naamsbekendheid en assortement breid ònger de aandach te brènge. Et winkelgebied in Zittert waor mer sjmaal en

sjeelde zich veurnamelik aaf in et lèntj van sjtraote wie baove genuimp. Alle luuj van Zittert kooste zich toen nog òngerein en woorte ùmmer bie hunne veurnaam, bienaar of zaakenaar genuimp. Vandao dat dees sjtraote ein bòntje kaleidoskoop vòrmd van reklaame-opsjrifte en bie de zaake heurende naame. Eine bienaar waor zeeker geine sjèjnaam in dae tied en breid geaksepteerd. Al hauw Zittert, zeeker in de eejste periode, nog ein sentrumfunksie, de klandizie koum oet et sjtèdje zelf of direkte omgaeving. Oug klein industriëel òngernumminge wie muibelmaakerieje, meules, broeërieë en segaarefabrikskes louge in et sentrum en dèks aan et woonhoes vas.

Veer pauzeiere oppe helf van de wànjeling (ca 19.15 oer) taegeneuver Zefke bie de Apteik veur ein tas kaffe of get àngesj en daonao gaon veer via eine korte omwaeg nao de Baselik wieër ooze toer aafmaake.



**Ich wùnsj uch ein sjoon wànjeling toe!**

## BIE-NAAME

In Zitterd is me dr'aan gewend om bie-naame te gaeve:  
Went de Zitterder dae sjteit bekend om in sjpas en lol te laeve!!!

Me nuimde dao:

DE ROO SJERLUUT,  
POP NEEJE en LIEBET SJANJ,  
DE RADJA, BROOZEL en DE TUUT,  
PIT v/d HAAN, ET KAUWF, SJLAMP-ANJ!  
ET KROMP v/d LIL, DEN AAP, DE BATS,  
DE PISBAK, DE KUUPER, DE MOT,  
DE SJTOMP, DE BOKKEM, VAADER KATS,  
DE PIKMAN, DE ZIEJE-VOT!  
DEN ALFE, DE RIEREIM en DE PRENT,  
KAMPIEJOENE, DE DIKKE PRIEJ,  
DEN DAS, DE NAAS, DE BOER, DE KRENT,  
DE RIETHAAMER, KETSJ LEWIEJ!  
JOEP v/d KNOCHE, BOLLE, DE LITSJ,  
DE PATSJ, DE KEIJ, DE BOEMAN,  
DE PIEPER, DE MOSJ, DE BAOM, DEN TITSJ,  
DE FUTTEL, DE BIELEMAN!  
DE MIEM, DE MOES, PIEJAERKE ROUT,  
DE PROEM, DE SJLAATEVOOGEL,  
DE BLAEKE NAAS, DE KAATSJ, DE BOUT,  
DE HOOMEL, DE KONTJ, DE KOOGEL!  
BET-LAEK, DE RAATEL, DE POTSJTOUN,  
DEN TIP-TOP, DE NOOT, DE PIEP,  
DE SJMEED, DE SIK, DE SIES, DEN DOUF,  
DE BEKKER, DE LESJ, DE KNIEP!  
DEN DALDAL en DE LEUGENAER,  
REVOLVER SJANG, TRUUJ RUUZEL,  
DE GAAPER en MENEER PIEJAER,

Tjeu Maintz 1976

Jos Engelen